

徐敬修編

中學論說新範

上冊

東書局印行

中學論說新範第一冊

一 原謙「論說體」

周駿聲

引證古語
起正說出謙
字

反迫出謙
字

回應起筆

易彖辭曰。謙尊而光。卑而不可踰。旨哉言乎。一孔子之作春秋也。上記隱下至哀之獲麟。夫上記隱者。尊之也。曷爲尊。曰。尊其讓國之至德也。然則謙爲君子之美德明矣。一秦漢以來。此義漸晦。於是篡弑取國。攘奪成家者。接踵而起。在上者爭權奪利。在下者奔競賁緣。司馬遷有慨于此。所以作史記。于世家則首列吳泰伯。于列傳則首列伯夷。蓋以太伯讓國。不承翦商之志。伯夷遜弟。不爲骨肉之爭也。一故謙也者。家之所由和。國之所由安。易于六十四卦。惟謙卦六爻皆吉。非卽斯意也乎。一

釋義

①【易】書名。六經之一。

②【彖辭】孔子晚年喜易。序彖繫象說卦文言。按彖

辭所以論卦也。③【謙尊而光卑而不可踰】易經謙卦中彖辭。其意蓋謂人能謙。則

其居尊者其德愈光，其居卑者人莫能過此。④【春秋】本魯史記之書名，孔子刪定之，自魯隱公元年至魯哀公十四年，凡十二公，二百四十二年，當哀公十四年春，西狩獲麟，孔子作春秋，遂至此而止。⑤【晦】不明顯也。⑥【奔競】謂奔走爭競，急於見用也。⑦【夤緣】攀附也，夤音寅。⑧【司馬遷】漢人，字子長，著有史記一書。⑨【世家】史記紀諸侯王之事，謂之世家，取開國承家，世代相續之意。⑩【吳泰伯】周太王之長子，季歷之兄，季歷賢而有聖子昌，太王欲傳位季歷，以及昌，泰伯知之，與仲雍逃之荊蠻，以避季歷，自號句吳。⑪【列傳】史記之傳人物也，題云某人列傳，謂敘列其事略，令可傳於後世也。⑫【伯夷】殷孤竹君之子，其父將死，遺命立叔齊，父卒，叔齊遜伯夷，伯夷曰：父命也，遂逃去，叔齊亦不立而逃。⑬【翦商】翦滅也，謂欲滅商而代之。（詩經）至於太王，實始翦商。⑭【遜】辭讓也。⑮【六爻】卦畫謂之爻，重卦六畫，故有六爻。

段落

①引易經語揭出全篇大旨。

②說孔子作春秋之尊重謙德。

③說司馬遷著史

記之重視謙德。④總結出謙之效益。

二 原學『論說體』

潘月良

直起

引證

暢發議論

一收更顧
到上文

說文。學。覺悟也。蓋就教者而言之。謂之覺。就學者而言之。謂之悟。一吾嘗因名而思義焉。我國當春秋之世。學風最盛。若黃老。若申韓。若管商。若楊墨。若莊列。學派多歧。大道乃亡。此所爲痛朱公之哭也。然則學貴精一。不貴分歧。有明證矣。一書曰。人心惟危。道心惟微。惟精惟一。允執厥中。中之云者。精之至也。一之至也。精一之理。蘊於吾心。心本空空。有靈明焉。當其未覺。心本渾然。及其澈悟。印象歇然。是心也。何心也。曰。道心也。大學之所謂明德。孟子^{十三}之所謂良知皆是也。一吾於叔重之釋學^{十四}而推原其義如是。吾於是乃見道焉。一

釋義

①【說文】即許氏說文。字書名。漢許慎著。②【黃老】道教祖黃帝老子。故謂

中學論說新範 第一

四

道家之言曰黃老。③【申韓】申不害及韓非、主刑名之學。④【管商】即管仲商鞅、管仲相齊桓公而霸諸侯、商鞅變法而強秦。⑤【楊墨】即楊朱、墨翟、楊子主爲我、墨子主兼愛。⑥【莊列】即莊周、列禦寇、學本黃老、稱爲道家。⑦【歧】分歧也。⑧【痛朱公之哭】孔稚圭北山移文云、「豈期終始參差、蒼黃反覆、淚翟子之悲、慟朱公之哭、」其意蓋謂墨子見素絲而泣、楊子見歧路而哭、可以比士無一定之志、不能免二人悲哭也。⑨【書】即書經。⑩【允執厥中】信能執其中也。⑪【蘊】積蓄於中也。⑫【大學】書名、曾子所作。⑬【孟子】書名、孟軻及其弟子萬章等所作、共七篇。⑭【叔重】許慎字。

段落

①說明學字之意義。②說學貴精一。③說學能精一乃可見道。④以自述心得作結。

三 論孝『議論體』

周維新

二資一主

水有源。木有本。人有父母。其理一也。未有水無源而得爲長江大河。木無

分兩層說
迫出孝字

淺一層說

進一層說

引證

本而得爲茂林喬木者。人無父母。尙得爲人乎哉。一夫人之幼時。呱呱以啼啞。啞以笑。一無所能也。寒不能自衣。飢不能自食。必待父母衣之食之。所怙者父。所恃者母。鞠育顧復。備極劬勞。此在幼穉時然也。及旣成立。送之於學校。教之以詩書。金錢之棄擲。不惜也。精神之損耗。不顧也。父母之於子。固若是周且至矣。爲子者當何如乎。曰。孝而已矣。一余觀今之爲人子者。能孝者有幾。藉曰孝焉。亦不過竭旨甘之奉。循問視之常已耳。此而曰孝。特能養父母之口體而已。烏足以言孝。一昔孟子有言曰。人之異於禽獸者幾希。蓋指人心言也。人能以父母之心爲心。卽中庸所謂善繼人之志。善述人之事。爲能合於孝之道焉。彼能養父母之志者。而孝乃真孝矣。不然。烏知反哺。羊知跪乳。養而不敬。異於禽獸者幾何。一不觀古之夫舜乎。完廩浚井。瀕於死者屢矣。以彼頑嚚之親。而其愛慕也如故。迄今名

有一唱三
歎之妙

傳千古。雖鄉村之婦孺。無不知有大舜其人也。他如泣杖之伯俞。奉檄之毛義。亦皆以孝行稱。而足爲後世法也。一嗚呼。古人往矣。誰非人子。誰無父母。吾人讀聖賢書。所學何事。慎勿自乖倫理。而獨讓古人專美於前焉。夫而後可以爲人。夫而後可以爲子。」

釋義

①【茂林喬木】茂盛之樹林。高大之樹木也。

②【呱呱】兒啼也。（書經）啓

呱呱而泣。

③【啞啞】笑語也。

④【怙】恃也。（詩經）無父何怙。

⑤【鞠】養

也。

⑥【顧復】眷念之甚也。

⑦【劬】勞也。

⑧【藉】借也。

⑨【旨甘】人子

養親之物也。（禮記）味爽而朝。慈以旨甘。日入而夕。慈以旨甘。⑩【幾希】無幾也。

⑪【中庸】書名。子思所作。

⑫【浚井】開井使深也。完廩浚井事見（孟子）

⑬【瀕】近也。

⑭【鑿】音銀。口不道忠心之言也。

⑮【泣杖】韓伯俞有過。其母

笞之。泣。其母曰。他日笞子。未嘗見泣。今泣何也。對曰。他日俞得罪。笞嘗痛。今母之力。不能

使痛。是以泣。

⑯【毛義】東漢廬江人。以孝行稱。府檄以義爲安陽令。喜動顏色。後母

死去官屢徵不出。②【乖】背也。

段落

①從水源木本陪出人與父母。

②從父母鞠育培植之恩說出孝字。

③說今人

以養父母之口體爲孝。

④說出孝之真義。

⑤引證古之孝子。

⑥以勉勵作結。

四 性善性惡辨 『議論體』

姜玉琳

虛冒

反覆申說

評斷能具
識見

人之性果善乎。吾不得而知也。人之性果惡乎。吾亦不得而知也。昔孟子言性善。荀子言性惡。一竊意人之性。本無所謂善。無所謂惡。如掘泉然。引之東方則東流。導之西方則西流。吾人教之善則善。教之惡則惡。如曰性果善。何以如堯舜之仁。而丹朱商均皆不肖。如曰性果惡。然孩提之童。未有不愛其親敬其兄者。由此觀之。可知人性無善無惡。在於習之而已矣。一然則孟子荀子之說非歟。蓋孟子之說順導之也。荀子之說逆遏之也。其說雖絕端不同。而要皆異趨而同歸也。惜其偏於一端。而未能合乎性

相近。習相遠之宗旨耳。」

釋義

①「荀子」名況、戰國趙人、其學以孔子爲標準、而倡性惡之說、②「丹朱商均

」丹朱堯之子、商均舜之子、（孟子）丹朱之不肖、舜之子亦不肖、③「遏」止也、

段落

④將性善性惡變行說出、⑤說出人心之善惡全在乎習、⑥說出孟荀異同之

點及其所偏、

五 李斯論「議論體」

劉廷芳

分起

問答

正負法

佐始皇爲秦定天下者、李斯也。假遺命、殺扶蘇、立胡亥、以致秦亡者、亦斯也。一嗚呼。斯欲亡秦乎。然何竭其力爲秦定天下。斯欲安秦乎。然何廢長立幼。以致秦亡。曰、爲秦定天下。斯之本心也。至於廢太子、立胡亥、以致秦亡。乃斯無學識。誤於趙高計也。一夫斯僅授荀卿定天下之術。實無治天下之能。彼無治天下之能。便當功成退隱。而尙猶戀戀於朝堂。又焚書坑

儒嚴刑峻法。掃除三代之仁政。破壞先王之禮樂。天下叛秦之機已伏。况棄賢立昏。廢長立幼。秦之滅亡必矣。一嗚呼。謀之邪者。禍人必甚。禍之極者。罪惡易盈。斯之具五刑。夷三族。寧爲過歟。

釋義

①【李斯】楚上蔡人。從荀卿學。帝王術。西仕于秦。始皇既定天下。斯爲丞相。定郡

縣制。下禁書令。二世時。趙高誣斯子李由與盜通。腰斬咸陽市。②【假遺命】始皇崩

于沙邱。斯與趙高謀。祕不發喪。矯詔賜長子扶蘇死。③【胡亥】始皇少子。卽位後。是

爲二世。④【峻法】嚴厲之刑律也。⑤【五刑】古以墨、劓、剕、宮、大辟爲五刑。⑥

【三族】父母兄弟妻子爲三族。

段落

①說出李斯與秦之關係。②推論斯之佐秦亡秦之故。③論斯之不能功成身

退。致因以亡秦。④結論斯之所以不得善終。

六 擬韓退之雜說『論說體』

陳 祥

求棟梁者必於木。而木不必皆爲棟梁。蓋材有大小。適於此者。或不合於

引證事實

論結

彼合於彼者。或不適於此。是以良工因材而用之。斯無棄材之患。棟撓覆壓之憂。^二吳有營巨室者。廣聚羣材。而匠者不知用。於是桀者桷之。椳者楔之。宜斧者施之以鋸。宜刀者加之以斤。^七其室雖成。未幾而梁折矣。戶敲矣。倒行逆施。宜其不久而毀也。^一嗟乎。彼木固未嘗自言也。亦視乎匠者用之如何耳。大材而小任之。小器而大受焉。其傾覆也。非不幸也。宜也。^一

釋義

○【撓】屈也。○【吳】地名。今江蘇。○【桀】音茫。棟也。○【桷】音角。

方椽也。

○【椳】音隈。門樞臼也。○【楔】音屑。門兩旁所立之木也。○【斤】

斫木刀也。

○【敲】傾側也。

段落

○說明因材而用。是全文主意。○以吳之營巨室者事反證上文。○以議論作

結。

七

梁武帝佞佛論「議論體」

胡日仁

一 佞佛之害

二 佞佛之害

駁去上文

世之病梁武者。莫不歎其佞佛之愚。謂佛以虛無寂滅爲教。帝負萬民之重望。宜以治國恤民爲事。而乃釋御服。持法衣。捨身同泰。甘作佛奴。國事之廢弛也多矣。一未幾。侯景叛梁。困死臺城。爲帝自取。噫。此豈知帝者哉。一夫帝之佞佛。非有求於佛也。慨夫當時南北紛爭。帝欲以清淨慈悲之心。化天下之強暴。故借佛以遁其身耳。若以迷信病帝。豈知帝者哉。」

釋義

①【恤】憐憫也。

②【釋】解除也。

③【法衣】僧衣。卽袈裟也。

④【同泰】

【寺名】武帝三次捨身同泰寺。

⑤【侯景】人名。初爲爾朱榮將。後歸高歡。旋降西魏。

又請附梁。武帝封爲河南王。後舉兵反。圍建康。陷臺城。武帝以憂憤死。

段落

①論梁武之佞佛誤國。

②論梁武之死乃其自取。

③推論梁武佞佛之故獨具

隻眼。

八 鼠智『記事兼說明體』

葉國章

點出鼠字

鼠智一

鼠智二

應上文乍
字應上文恆

世人每不忽於乍而忽於恆。乍之來。惕焉懼之。恆則狎而近之。故子產論政。以爲人之死於火者鮮。而溺於水者常。此不獨人然也。物亦如是。余本斯理以取鼠。蓋數數獲焉。一余苦鼠患久矣。每向暮。室影模糊。則跳梁東西相應。徹夜無斯須甯呵之。弗畏。昵貓小亦弗畏也。家中食物無收藏處。余惡益深。適市購一機籠歸。張機懸餌。置常所往來處。候之數日。閔如。或亦列隊過其前。率驚避。乃益絕其食源。倉廚悉密閉。又候之。未幾。一鼠斃其中。如是者再。獲如之。於是勢頓輯矣。一噫。當其始之相戒不入也。蓋驚其來之突。而識其害已。其智有足多者。乃繼也。翫習日久。狎其無能。而又飢餒戰於中。香餌誘其前。遂鋌然走險域矣。世母謂鼠智之終短。苟人際此甯待三歟。

釋義

①【乍】忽也。

②【惕】驚也。

③【子產】春秋時鄭國人。

④【數數】音

朔屢次也。⑤【跳梁】猖狂驕捷之狀。⑥【徹夜】猶言通夜也。⑦【斯須】暫

也。猶言須臾。⑧【昵】古隸字。音夷。目小視也。⑨【閔】靜無人也。⑩【輯】斂

也。⑪【飫】音玩。相習也。⑫【餒】飢餓也。

段落

①揭出乍恆兩字。爲全篇脈絡。②記鼠智共分兩層。③根據乍恆二字。說出鼠

智之終短。並輕輕側到人類。

九 說寶『說明體』

楊書仰

雙行寫入

金銀珠玉。世俗之所寶也。仁義道德。賢士之所寶也。人第知金銀珠玉之可寶。而不知仁義道德之可寶。則其人之賢與愚。相去遠矣。一今夫金銀珠玉。飢不可食。寒不可衣。非若菽粟布帛之可養命也。而世顧趨之若驚。求之不遺餘力。一旦禍生不測。因而喪身。雖欲安於菽粟布帛而不可得。庸非無益之寶。爲招禍之媒也耶。故孟子曰。寶珠玉者。殃必及身。此之謂

作一論斷

反證一句

先引出兩箇古人然後轉到吾輩是文章訣巧處

也。一四周書曰。不寶遠物。則遠人格。所寶惟賢。則邇人安。五楚書曰。楚國無以爲寶。惟善以爲寶。卽此而論。所寶當擇其有益者。此王孫圉所由不以白珩爲寶也。一吾聞古來志士。有以氣節爲寶。而至死不變者矣。有以仁義爲寶。而舍生不顧者矣。蘇子卿之不屈匈奴。六文天祥之爲國殉難。殆亦以氣節仁義爲寶歟。然則吾輩士人。尤宜輕貨利而寶仁義。輕尺璧而寶寸陰。庶寶其所當寶。而不囿於世俗之所寶也。一

釋義

①【菽】豆之總名。

②【鶩】音務。鴨也。常羣游水中。故云。

③【庸非】猶言

豈非。

④【周書】書經中泰誓秦誓等三十二篇。謂之周書。

⑤【楚書】春秋時楚

國之史書。

⑥【王孫圉】楚大夫。嘗聘于晉。定公饗之。趙簡子鳴玉以相。問楚白珩之

寶焉。圉曰。白珩先王之玩也。何寶焉。

⑦【蘇子卿】卽蘇武。漢武帝時出使匈奴。被留。

居海上。仗節牧羊十九年。始得還。

⑧【文天祥】宋末忠臣。被元兵所執。拘于燕京。卒。

不屈死。⑨「固」音右，識不廣也。

段落

①說出世俗之寶與賢士之寶。

②推論寶珠玉之害。

③引書反證出所寶不在

金銀珠玉。

④引證古人說明氣節仁義之可寶，並勉勵吾人。

十 讀項羽本紀「序跋體」

嚴雅惠

一語道破

一層

一層

更進一層

引他人之說爲辯駁

太史公著史記。敘帝王則曰本紀。敘公侯傳國則曰世家。敘公卿偉人則曰列傳。此其例也。其列項羽于本紀。所謂自亂其例者也。「羽亂世之雄耳。而未嘗爲帝。則亦與陳勝吳廣等耳。而列之本紀何哉。」豈不以秦之亡。羽之功爲巨與。則首難者陳涉。胡不列之本紀哉。抑秦季政由羽出。號爲霸王。故特創其例與。則義帝之立。羽固當北面臣之矣。且秦失其鹿。天下共逐之。楚漢相持。中國未嘗爲羽一也。豈得而列之本紀哉。非自亂其例而何。一或曰。史公好奇。列羽于本紀。蓋崇拜英雄之心。而深惜其無成。

也。若然。則無怪後世之疑爲謗史矣。」

釋義

①【太史公】司馬遷于漢武帝時爲太史令之官。故云。 ②【項羽】名籍。下相

人。秦末與叔父梁起兵吳中。梁死。羽與秦軍九戰皆勝。自立爲西楚霸王。與漢高祖爭衡。卒爲高祖所滅。 ③【陳勝吳廣】秦末二人首先發難。勝自立爲楚王。後皆被害。 ④

【義帝】楚懷王孫心。項羽尊爲義帝。猶假王也。

段落

①說列項羽于本紀爲亂例。 ②說羽不當列于本紀之故。 ③詳說史公自亂其

例分三層。 ④說史公有崇拜英雄之心。翻案作結。

十一 讀李陵傳『序跋體』

黃正銘

二賓一主

匈奴漢之勁敵也。高帝以三十萬衆而困於白登。^一趙破奴以數萬騎爲虜於夷狄。^二陵無過人之才。所將又不及前人。孤軍步卒。遠出天漢之外。深入強胡之域。其敗也明矣。且年少自負。盛氣用事。不維主客之勢。而邀幸